
Saksnr: 2021/19094-1
Saksbehandlar: Helge Mikal Hope
Byrkjeland

Saksgang

Utval	Utv.saksnr.	Møtedato
Hovudutval for samferdsel og mobilitet		25.05.2021
Fylkesutvalet		01.06.2021
Fylkestinget		16.06.2021

Seriøsitetsskrav i Vestland fylkeskommune - Oppfølging av vedtak

Forslag til innstilling

1. Vestland innfører Oslo-modellen slik den vart vedteken i Hordaland fylkeskommune for alle bygg og anleggsprosjekt i regi av Vestland fylkeskommune. Kontraktskrava blir også innført i INV sine kontraktar seinast hausten 2021.
2. For å stetta bruken av dei mindre, lokale entreprenørane, kan INV avvike frå kravet knytt til fagarbeidarar innan fylkesvegområdet i spesielle tilfelle.

Samandrag

Seriøsitetsskrava basert på Oslo-modellen, vedtekne i fylkesutvalssak 290/18 i Hordaland fylkeskommune, er innarbeidde i kontraktar i Eigedom og Bybanen Utbygging og vidareført i Vestland. Avdeling for infrastruktur og veg (INV) sine kontraktar er baserte på malar frå Staten vegvesen. Mange av krava er allereie inkludert i kontraktane og resterande vil bli innarbeidde hausten 2021. For å stetta dei mindre, lokale entreprenørane, vil INV akseptere at det kan avvikast frå kravet knytt til godkjente fagarbeidarar (krav 3 i Oslo-modellen) i heilt spesielle tilfelle. Dette er samanfallande med det avviket Viken fylkeskommune har i sin innføring av Oslo-modellen.

Rune Haugsdal
fylkesrådmann

Dina Johanne Lefdal
fylkesdirektør

Saksframlegget er godkjent elektronisk og har difor inga handskriven underskrift

Saksutgreiing

Bakgrunn for saka

I forhold til seriøsitetsbestemmelsane i våre byggekontrakter vedtok fylkestinget følgjande verbalpunkt i sak 137/2020 Budsjett 2021/økonomiplan 2021-2024:

«Fylkestinget meiner det er viktig at Vestland fylkeskommune skal bidra i kampen for eit seriøst og --anstendig arbeidsliv, samt sikre at fleire yrkesfagselevar får lære plass. I sak fylkesutvalssak 290/18 (Hordaland) ser ein på Oslo-modellen og dei elleve hovudpunkt for eit seriøst arbeidsliv som modellen omhandlar og korleis dette er innarbeidd i Hordaland fylkeskommune. Fylkestinget i Vestland vil bygge vidare på det Hordaland fylkeskommune gjorde og innføre Oslo-modellen for heile Vestland fylkeskommune og ber om at det vert lagt fram ei sak om dette i første halvår 2021. Saka bør leggast fram for utvala og verte vedteken av fylkestinget.»

Lenke til fylkesutvalssak 290/18 i Hordaland fylkeskommune:

<https://innsyn.vifk.no/InnsynHFK19/Dmb/DmbMeetingDetail?MeetingId=901&sourceDatabase>

Vedtaket i fylkesutvalssak 290/18 i Hordaland vart følgt opp av Eigedom og Bybanen Utbygging i alle nye kontraktar etter vedtaket og er vidareført inn i Vestland fylkeskommune uendra. Infrastruktur og veg (INV) sine kontraktar er i dag baserte på Statens vegvesen sine kontraktsmalar, og dei fleste punkta i Oslo-modellen er allereie ivaretatt. Nokre punkt må tilpassast og innarbeidast. INV har tolka vedtaket i fylkestinget som at ein skal innarbeide Oslo - modellen, men at ein må gjera ein fagleg vurdering om det er nokon uheldige konsekvensar av krava.

Innføring av Oslo-modellen

I vedtaket i fylkesutvalssak 290/18 i Hordaland, så er det to avvikande punkt samanlikna med Oslo-modellen. INV har også marknadsmessige behov for desse to avvika. Dette gjeld at det kan nyttast underentreprenørar i to ledd og ikkje berre eitt, som definert i Oslo-modellen. Skal ein mellom anna nytta totalentreprisar, så er dette heilt naudsynt i marknaden i Vestland og Norge. INV sin vurdering er også at det er i strid med lov om offentlege anskaffingar. Det andre punktet som er avvikande, er punktet om at leigde arbeidstakarar frå bemanningsbyrå skal sikrast tariff løn mellom etterfølgjande oppdrag. Punktet er vurdert til å være ulovleg og umogleg å fylgje opp.

INV har kontraktar med mange mindre, lokale entreprenørar. Dei vil ofte ha utfordringar med å oppfylle enkelte krav. T.d. kravet om lærlingar. INV meiner at ordlyden i Oslo-modellen tek i vare dei minste entreprenørane, då den har formuleringar som gjev unntak der det ikkje er mogeleg å få tak i lærlingar. Der kan entreprenør som er tilknytt ei lærlingordning og som kan dokumentere reelle forsøk på å inngå lærekontrakt utan å lukkast, vurderast til å ha oppfylt kravet om bruk av lærling.

Når det gjeld kravet til faglærde handverkarar, så kan kravet være utfordrande for dei minste entreprenørane. INV ønskjer difor å nytta ordlyden i Viken - modellen. Kravet etter Viken-modellen er det same som i Oslo-modellen, men det er mogeleg å gjere unntak i heilt spesielle tilfelle.

Det må også nemnast at kollegiet av samferdselssjefar har på oppdrag frå Rådmannskollegiet teke initiativ til eit samarbeid om kontraktsmalar. Kvart fylke står fritt til å lage egne malar, men samarbeid er av det gode sidan ein kjøper i den same marknaden.

INV har og fokus på å ha ein god dialog med marknaden med tanke på konkurransesituasjonen og våre malar.

INV har i dag ei kompensasjonsordning på 50 kr pr time for lærlingar avgrensa til 7 % av totalt timeverk på kontrakten. Denne ordninga vert lagt ned når INV no innfører Oslo-modellen, då det i staden vert innført eit absolutt krav om at minst 10 % av totalt timeverk på kontrakten skal utførast av lærlingar.

INV vil revidere kontraktsmalane og innføre dei endra krava hausten 2021.

Vedtakskompetanse

Fylkestinget har vedtakskompetanse i denne saka

Vurderingar og verknader

Økonomi: Det er sannsynleg tilboda frå entreprenør vil få ein auke i pris, då dei no må prise inn heile kostnaden med lærlingar i tilbodet sitt. Det er og truleg at interne kostnadar vil auke, då Oslo - modellen inneber at det er fleire forhold ein må følgje opp.

Klima: Ikkje relevant

Folkehelse: Ikkje relevant

Utviklingsplan for Vestland 2020-2024 (Regional planstrategi): Ikkje relevant

Konklusjon

Vedtaket i fylkesutvalssak 290/18 i Hordaland er allereie innført i Eigedom og Bybanen Utbygging sine kontraktar. INV vil innføre krava i sine kontraktar hausten 2021.

For å stetta dei mindre, lokale entreprenørane, så vil INV akseptere at det for kravet om 50% godkjente fagarbeidarar i heilt spesielle tilfelle kan avvikast.